

Avrêl 2010



YAŞA e.V.

Kurdish Centre for
Legal Studies and
Consultancy

Kurdisches Zentrum
für juristische Studien
und Beratungen

Navenda kurdî
ji bo lêkolîn û
rawêjkarîya yasayî

المركز الكردي للدراسات
والاستشارات القانونية

YASA e.V.
Postfach 7624
53076 Bonn
www.yasa-online.org

Enwer Deqorî

Naverok:

Welatîyê Kurd Reşo Ebas Ibrahîm hate girtin

Desthilatdariya Elmanya penaberekî Kurd binçav dike û dê wî vegeerîne Sûriyê

Navên hinek cotkar ji doseyên meşqên wek hev û peymanên kirê hatin rakirin

Li Reqayê girtina Kurdan piştî bûyerên Newrozê jî berdewam kirin

Ji bo girtiyên Partiya Yekîtî ya Kurd li Sûriyê sezaya zinadanê hate birîn

Welatîyê Kurd Reşo Ebas Ibrahîm hate girtin

Di roja 28.03.2010an de vedorgerînek girêdayî Ewlekariya Komarê li Qamişlo welatîyê Kurd Reşo Ebas Ibrahîm (Jidayikbûn: 1990 Qamişlo), binçav kir. Hate ragihandin, ku vedorgerîne êrîşî firoşgeha wî ya bêrîkfonan kiri bû û Computerê wî yê taybet jê standi bû. Welatîyê Kurd Reşo Ebas bi tena xwe malbata xwe xwedî dike, nexasim piştî ku bavê wî, yê ku çalakvanekî siyasî bû, di 02.11.2007an de hate binçavkirin û ji kar hate avêtin.

Desthilatdariya Elmanya penaberekî Kurd binçav dike û dê wî vegeerîne Sûriyê

Rêxistina Mafên Mirov li Sûriyê-MAF ragihand , ku endamê wê, Enwer Deqorî, di roja Şemiyê 03.04.2010an de li bajarê Halle-Saale li Elmanya hate binçavkirin. Rêxistina MAF dibêje, ku ew ji ber rûniştina ne rewa li Elmanya ji hêla asayîşan ve hatiye girtin, û ew dê ji aniha û heya sê mehên din ji bo Sûriyê bête vegeerandin.

Tê zanîn, ku Enwer Deqorî beriya vê carê di 20.10.2009an de, bi behaneyê, ku ewî xwe wek penaber li Ferensayê da bû, hati bû girtin û bo Ferensayê hati bû vegeerandin. Ferensa wî çaxî bi

mercê derketina Enwer ji xaka xwe ew serbest berda bû

Navên hinek cotkar ji doseyên meşqên wek hev û peymanên kirê hatin rakirin

Di 17.03.2010an de Wezaretê Çandiniyê û Reforma Çandinî li Sûriyê biryara jimar 2707/S bo hemû Kargêriyên Çandiniyê li parêzgeha Hesiçayê belav kir. Biryar derfetê dide, ku navên hinek cotkar ji doseyên meşqên wek hev û peymanên kirê bêne rakirin. Hemû cotkar, ên ku navên wan hatine rakirin, Kurd in.

Di biryarê de hatiye nivîsandin, ku divê navên van cotkaran ji doseyên meşqên wek hev û peymanên kirê, yê girêdayî navçeyên Kargêriyên Çandiniyê, bêne rakirin, ji ber ku ewan erêkirinê yasayî li gorî yasaya jimar 41, ya sala 2004an û guhertinê wê, yê li gorî biryarên wezarî, bi dest ne xistin. Rêxistinên Mafên Mirov li Sûriyê (MAF û DAD) ragihandin, ku dora 300 daxwazên erêkirinê hene, ku ne hatine pejirandin. Ew jî dora 35000 Donim ji zeviyên parêzgeha Hesiçayê dikin. Yanî bi vê biryara han dê zeviyên 300 cotkarên Kurd bi zorê ji wan bêtandin.

Li Reqayê girtina Kurdan piştî bûyerên Newrozê jî berdewam kirin

Di Avrêla 2010an de hêzên ewlekariyê li bajarê Reqayê gelek welatîyên Kurd biçav kir. Girtina Kurdan piştî bûyerên Newroza 2010an li Reqayê, ku hêzên ewlekariyê gule li welatîyên Kurd barand, hinek hatin birîndarkirin û du welatî jî jiyana xwe ji dest dan, bêtir bû. Ji kesên, ku hatine biçavkirin: Sebrî Nebî, Nezmî Nebî, Reşad Mihemed, Idrîs Mihemed, Salih Mihemed, Mehmûd Heyder, Ibrahîm Farûq Ibrahîm, Egîd Mihemed Boşan û Arif Mihemed Elî. Herwiha hinek agahî hene, ku hinek birîndarên Newroz ji Reqayê bo Şamê hatine guhastin.

Ewên ku hatine guhastin ev in: Mihemed Xelîl, Elî Mihemed Îsa, Kanîwar Sebrî Nebî, Mihemed Mislim Mûsa, Xelîl Mehmûd Refo, Mihemed Elî Goreş, Yasir Mûsa û Ebdil Qadir Elî Seîd. Herwiha hate ragihandin, ku çarenivîsa Şivan Felemez Ferho, ku ji Qamişlo ye û hîna pola 12an ji dibistanê dixwîne, ne diyar e. Ew jî ji ber bûyerên Newroza Reqayê hati bû girtin. Herwiha hinek welatîyên din hene, ku heya aniha malbatên wan cihên girtina wan nas nakin û herwiha çarenivîsên wan ne diyar in. Ew jî ev in: Mihemed Elî Mihê (Jidayikbûn: 1963 Kobanî) û Şekir Mihemed Derdane. Li hemberî van girtinan çar gencên Kurd serbest hatin berdan. Ew jî ev in: Masûm Mihemed Os Dîk, Kawa Osman Ebdela û herdû welatîyên, ku bi geleyan birîndar bû bûn: Xelîl Mehmûd Xelîl û Elî Mihemed Îsa.

Ji bo girtiyên Partiya Yekîti ya Kurd li Sûriyê sezaya zindanê hate birîn

Di 18.04.2010an Dadgeha Ewlekariya Komarê li Şamê pênc sal zindan li girtiyên Partiya Yekîti ya Kurd li Sûriyê birîn. Nezmî Ebdil Henan, Yaşa Xalid Qadir, Dilgeş Şemo Memo û Ehmed Xelîl Derwîş, ku endamên Yekîti ne, bi parçekirina beşekî ji xaka Sûriyê û gihandina wî parçeyî bi welatekî biyanî ve, li gorî bûjena 267an ji yasaya sezayên Sûriyê, hatin tewanbarkirin û sezakirin. Ji aliyekî din ve Partiya Yekîti ragihand, ku endamê wê, yê girtî, Tehsîn Xeyrî Memo bi van her çar hevalên xwe re hati bû biçavkirin û ji beriya salekê ve ji zindana Seydnaya wendayî ye. Hevalên wî dibêjin, ku Asayîşên Leşkerî yê zindana Seydnaya ew ji bo şaxê vepirsînê yê Ewlekariya Leşkerî li Şamê guhast. Tê zanîn, ku ev her çar kes di gel Tehsîn Memo di 31.01.2007an de bi êrîşa vedorgerîneke Ewlekariya Leşkerî li ser mala Yaşa Qadir bi hev re hatin biçavkirin.
